



# PEBACC VANUATU

## PACIFIC ECOSYSTEM-BASED ADAPTATION TO CLIMATE CHANGE

### KLAEMET JENIS LONG PASIFIK

Jenis long klaemet i wan bigfala jalens long developmen blong ol kaontri long Pasifik. Ol jenis olsem level blong solwora i kam antap, solwora i wom tumas, ren i no ren gud, ples i drae mo solwora i kam moa konkon bai i afektem everi eria blong ekonomi blong yumi. Long sem taem, ol fasin blong yumi ol man ples olsem fasin blong spoilem environmen wetem toti o no tek kea long environmen, mekem developmen we i no stret kolosap long solwora, riva mo long bush mo karemaot tumas kaikai long solwora, riva mo long bush blong yumi i save spoilem bigwan fasin blong laef we i stap long environmen. Wetem hemia environmen blong yumi i nomo save mekem gud wok blong hem blong sapotem ol laef we i stap long hem mo sem taem sapotem laef blong yumi ol man mo woman.



### WANEM NAO YUMI MAS MEKEM?

Hemi impoten tumas blong ol kaontri long Pasifik i mekem wok naoia blong daonem ol fasin blong spoilem environmen mo sem taem findem ol wei blong managem ol jenis we i stap happen long klaemet blong yumi.

Wan wei hemi blong lukaotem gud environmen o ol ecosystem olsem ol natongtong, ol riva, ol reef, ol bush, solwota blong yumi, mo laef we oli stap long olgeta. Fasin yia oli sigaotem: Ecosystem-based adaptation (EbA). Taem ol ecosystem yia i wok gud, oli sapotem gud laef blong yumi olsem givim kaikai long yumi, gudfala wind, wota mo fulap nara samting.

### WANEM YIA PEBACC?

PEBACC hemi meanim Pacific Ecosystem-based Adaptation to Climate Change. Hemi wan projek we i lukluk blong promotem tingting blong EbA o fasin blong lukaotem environmen o ol ecosystem blong yumi.

Projek yia mani blong hem i kam long gavman blong Germany tru long International Climate Initiative (IKI) we Ministri blong Environment, Nature Conservation, Building mo Nuclear Safety (BMUB) blong Germany i supportem. Secretariat blong Pacific Regional Environment Programme (SPREP) i kasem mani yia blong ranem projek blong PEBACC long Pasifik.

### PEBACC PROJEK BAI I STAT MO FINIS WE TAEM?


Wetem wan budget blong €4.95 million, PEBACC i statem wok long 2014 mo bai i wok kasem 2019.

### WEIA PLES NAO PEBACC I WOK LONG HEM?

Fiji, Solomon Islands mo Vanuatu. Long Vanuatu PEBACC i wok long sam eria long Port Vila mo Tanna aelan.



Supported by:



based on a decision of the German Bundestag






# ECOSYSTEM-BASED ADAPTATION



## LUKAOTEM ENVIRONMEN BLONG ENVIRONMENT I LUKAOTEM YU



### WANEM YIA ECOSYSTEM-BASED ADAPTATION (EBA)?

EbA i fasin blong protektem ol ecosystem o environmen blong yumi blong oli wok gud oltaem blong save protektem yumi long ol jenis we i stap happen long klaemet tedei. Wan example hemi, wetem ol jenis olsem sun i hot tumas folem klaetment jenis, yumi save sef andanit long ol tri sapos yumi planem plande tri raon long vilej or taon blong yumi.

#### Hao nao EbA i save helpem yumi long Vanuatu?

EbA i promotem tingting blong protektem gud environmen, managem gud ol natural risos mo mekem gud bakegen ol ecosystem o environmen we yumi bin spolem.

Taem yumi kat wan gudfala environmen, yumi save kat klin wota, fresh wind mo ol nara risos we yumi nidim long laef blong yumi everi dei. Hemia hemi ol benefit we yumi kasem taem yumi protektem environmen or mekem wok folem tingting blong EbA.

Wetem ol jenis long klaemet tedei, hemi impoten blong yumi protektem environmen blong environmen i save protektem yumi long ol jenis yia.

Wan example hemi, taem i kat bigfala bush i gro long hill, graon i stap gud nomo taem bigfala ren i ren. Wetem jenis long klaemet, ren bai i ren mo bitim bifo we i mekem se hemi impoten tumas blong kat ol bigfala tri o bush i stap blong protektem yumi long flooding mo landslide. Semtaem tu i mekem se ol rif long solwara i stap gud from i no kat tumas toti i ron i go long solwara taem i kat bigfala rain mo ol riva i ron bigwan.

Mo tu taem yumi kat bigfala bush or yumi planem ol tri, yumi save findem kaikai long ol bush yia, firewood mo ol material

blong mekem haos blong yumi. Ol riva tu bambae oli ron gud mo solwara blong yumi bambae oli kat oli helti rif we i save sapotem laef blong ol fish mo ol nara laef we oli stap long hem.

#### Wanem EbA akitiviti nao PEBACC bai i mekem long Vanuatu?

Long nasonal level, PEBACC bambae i wok blong putum tingting blong EbA i go long ol polisi blong yumi olsem polisi blong klaetmet jenis, environmen mo natural risos.

Long level blong komuniti, projek yia i wok blong mekem ol man ples i luksave from wanem nao oli mas protektem ol ecosystem raon long olgeta mo mekem wok blong protektem ol ecosystem yia.

Projek yia i wok long Port Vila mo Tanna aelan.

#### Wea nao mi save kasem moa infomesen?

Blong kasem moa infomesen, yu save ring long telefon 678 5499876 or email long [pebacc@sprep.org](mailto:pebacc@sprep.org).

Yu save go tu long website blong SPREP blong kasem infomesen: [www.sprep.org/pebacc](http://www.sprep.org/pebacc).

LUKAOTEM ENVIRONMEN BLONG ENVIRONMENT I LUKAOTEM YU!